



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Distritu Oecusse no Suai
04 Dezembru 2015

**Autór judisiáriu no defensoria públiku Jurisdisaun Tribunál Distritál Oecusse no Suai
apresia no pruntu atu servisu hamutuk ho JSMP**

Iha 23 Novembru no 02 Dezembru 2015, Ekipa Judicial System Monitoring Programme (JSMP), ne'ebé kompostu hosi direktór, ajuntu direktór, kordenador unidade sira halo audénsia ho autór judisiáriu no defensoria públiku iha jurisdisaun Tribunál Distritál Oecusse no Suai. Iha audénsia ne'e, ekipa JSMP hasoru malu ho Juis Administradór, Xefe Prokurador no Kordenador Defensoria Públiku Distritu Oecusse no Suai.

Audénsia ne'e ho objetivu atu agradese apoiu no kolaborasaun servisu entre JSMP ho autór judisiáriu sira iha Tribunál Oecusse no Suai no diskuti oinsa atu hametin liutan relasaun servisu iha futuru. Enkontru ne'e mós atu rona hanoin ruma husi autór judisiáriu sira kona-ba JSMP nia prezensa iha prosesu hari setór justisa liu-liu iha jurisdisaun Tribunál Oe-cusse no Suai no oinsa bele hadiak liutan JSMP nia servisu iha futuru. Aleinde ne'e diskuti mós progresu no dezafiu ne'ebé autór judisiáriu sira no defensor públiku sira infrenta iha sira nia servisu loron-loron.

“Audénsia ne'e importante tanba bele fo fatin no oportunidade ba JSMP no autór judisiáriu atu koalia ba malu saida mak persiza hadia no hametin liu tan iha futuru no oinsa rona autór judisiáriu sira nia hanoin kona-ba JSMP nia papel no prezensa iha setór judisiáriu” dehan Direktór ezekevivo JSMP, Luis de Oliveira Sampaio.

JSMP haksolok tebes tanba autór judisiáriu sira no defensoria públiku nakloke-an no hakarak kolabora ho JSMP no sira hotu louva ba JSMP nia komitmentu no konsistensia atu fo kontribuisaun ba dezvoltamentu setór justisa formal.

Iha audénsia hirak ne'e autór judisiáriu sira inklui defensoria públiku Distritu Oe-cusse no Suai agradese ba JSMP tanba bele vizita sira hodi rona direita progresu no dezafiu ne'ebé durante ne'e sira infrenta. Autór judisiáriu hirak ne'e rekoñese katak mesmu iha dezafiu no presau oiain maibe sei la hamete sira nia vontande atu servi ita nia sosiedade liu hosi sira ida-idak nia kna'ar.

Rua setubal, Colmera, Dili Timor Leste
PoBox: 275
Telefone: 3323883 | 77295795
www.jsmp.tl
info@jsmp.minihub.org
Facebook: www.facebook.com/timorleste.jsmp
Twitter: @JSMPtl

Sira rekoñese katak JSMP nia prezensa iha setór judisiáriu ne'e importante tebes atu hamutuk hadiak no dezenvolve setór ne'e diak liutan iha futuru. Sira mós apresia no hato'o sira nia konfiansa ba JSMP tanba JSMP úniku organizaun ida ne'ebé nafatin iha pozisaun ne'ebé firma hodi defende independensia judisiáriu liu-liu bainhira Governu no Parlamentu Nasionál hasai rezolusaun hodi haruka juis internasionál sira sai husi Timor Leste.

Iha oportunidade ne'e sira esplika mós kona-ba dezafiu ne'ebé sira infrenta intermus rekursu umanus, internet, AC, rezidensia ne'ebé la seguru tanba la iha seguransa, laiha bee mós, kondisaun sentina ne'ebé intupidu no laiha transporte operasionál hodi fasilita distribui notifikasaun.

Tanba ne'e sira rekomenda ba instituisaun relevante sira, liu-liu ministériu justisa atu fo atensaun ba difikulidade hirak ne'e hodi asegura prestasaun servisu ne'ebé ho qualidade no asesivel ba ita nia comunidade.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org